

**YANISI ELTTHI NAUDELTTHED GHILEH NISI
GHONAH GHOK'EH TZEDEHL GHIGHAH ACT
GHOLIHN**

**GHAIYEH DUNELDTUH DTANDTU
GHODELDTTHEHL SIH GHA EDITLIS NAGHODTLIH**

**DIDI EDITLIS
MANITOBA INDIGENOUS CHU MUNICIPAL RELATIONS CHU BEDAGHADE GHOLIH EYIS**

JUNE SAH KE 2016 EKUGHU GHOLIH EYI

Yanisi ghoghahn

Nedja Canada keyagha June sa k'e 2015 ekughu eltthi chu eltthi naudeltthed ghileh nisi naunelyeh gha Commission gholihn nisi (TRC) sni eyi editlis theltzi dta ghoghil ahn nisi ghahn, dughulyei Honouring the Truth, Reconciling for the Future: Summary of the Final report of the Truth and Reconciliation Commission of Canada eyi bek'e eltlaghatonena tzen dighihn asi k'e eghalaghadah dezahn gheni beke nilya nih. Eyi editlis enaldhen nih eyi ghaiyeh ghu December sah k'e 15 ultaghai ke 2015 ekughu.

Eyi editlis enaldhen ghu Manitoba keyagha government gha eghadalaghana sih ghuzelkehd ghodtazi segholyeh ghasih eyi be bazih editlis ghultzi gha suwa ghosahn ghedtzedi ghu. Steering Committee gholihn eyi bek'e kodhedi netheh naaltzihn dtandtuh eltlatonena tzen dighihn asih ghuhdtzih selya ghilih sih gha eghalaghadah gheseyadiltih gha. Eyi ghodtah sih, didi Path to Reconciliation Act ghulyei gholihn, eyi bedtazihn government dughideh gha dadi ghu eltthi naudeltthed ghileh nisi naunelyeh kesi ghokihdehl gha dadih nih, kulu eyi TRC dtadadi nisih k'eda uhn gha kesihn seyilah ghileh.

Eyi editlis gholihn Act sni eyi bek's totahn asi ghuhdtzih sih didi tthi ghehl adtzedih:

1. Dtah tthe lesih, yanisi dtaghodih ghodtah bebazihn yaghadtih nisi chu dtaghuneh ghunidthihn nisi chu dtandtu selyah ghilih sni nisi chu tthe bek'e detlis ghalya nih.
2. Reconciliation sni ghotegheh eltthih dtah ghodih ah ghodih tthi ghotegheh neghedtih ghu TRC editlis theltzihn nisi tthi beggade yadtih nindtahn;
3. Ghodtazih eltthi kesihn seghulya ghilih sih nilyai bedtazihn editlis nilyai eyi government yek'e ghedeht ghigha naunelyeh ghunidhen ghokesihn gholtzih gha;
4. Eyi editlis tthi bek'e Kodhedih dtah bedaghadah kesihn ghotleh ghasih tthi bek'aonedtah gha ghenih eyi dtanaudeltthed desih bebazihn nughultah gha sni ghu editlis nilyah nih ghodegheldtthed de eyi ghahn;
5. Eyi editlis bek'e tthi yadtih nadsedi bek'e nilya ghotegheh eltthi budedthahn gha dtandtu segholyeh gha sni bek'e eghalaghadah gha;
6. Kodhedi netheh dta ahtla deltthi nagholihn eyed ghaiyeh duneldtuh nedtih gha ghalyeh gha dtanithah benunildhed sih bek'aonedtah gha; eyi ghel tthi,
7. Eyi editlis enaldhen de detthiyeh dtah tthei dene budelahn sih nedja Manitoba ke'yagha eyi beyadtiyeh dta tthi beghahn dta ghodih sih dehtlis gha sni ghu yadti nilya niahn, eyi ke'sihn tthi kolyeh gha Aboriginal Languages Recognition Act gholihn nisi eyi bek'e tzedehl ghiganeh.

Nedidi naunelyeh ghobazihn ghoghalghadah gha Act gholihn eyi kanihn dtah ttheh beghalaghadai eyis nedjahn Canada keyagha. Manitoba dtandtu yeghalaghana ghasi tthi bekaonedtah gha, dta tthei dene ghehl dtandtu segholeh desih chu dtandtu eyi dene tthi eltzentzedi ghidtah ahtla eltthi tzen dedthen naugholyeh gha sni ghu yadtih nilya nisi eyi bekesihn.

Dtandtu beghahn nuhndehnlthi ghai

Manitoba ghotegheh eltthi gheh dadi dtandtu didi eltthi naudeltthed ghileh nisi naunilyeh ghah nidthen dadi, yanisi sekuwi ghauneltehn gha dadi ghu sekuwi nanaltzih naugholihn nighile ini eyi ghodtah dta tthei dene ghudeltih ghadja nisi eyi ghonah naunelyei kesihn ahtlah ghoghahn beghalada gha dtah tthei dene chu dtatthei dene ghilei chu ahtla Manitoba keyaghah. Elkesosedlih ghu ahntlah asi ghoghalaghadah gha deh elghehl yadtzeltih ghu dtandtuh woleh ghunidhen sih ghahn yadih ghidtah beghalaghadah gha , Dta tthei dene chu dtatthei dene ghilei chu elghehl adtzedi. Dtatthei dene benene keyaghah ghuyini ghoghahn yadih gha eyi adtzedi ghile, dtakelosih nedjahn Manitoba dtakelosih bekaunedtah gha eyi adtzedi.

Government dta bedtasihn eltthi naudeltthed ghileh nisi nauneleh kesihn ghoghalaghana ghasih eyi didi kaneltai ghane yeleh ghas, eyi, elkesosedli kesi chu, etlenidtzedi kesihn chu ahtla seghulyei ghunidhen ghikesihn chu ghotlei ghigah ghokesihn chu gha yeke ghedehl gha. 2016 chu 2017 chu ghunidhi ghadja de Manitoba chu dtatthei dene chu eyi ghobazihn yanatheh ghoghah elghehl yaltih ghidtah yebazi yadtih nileh gha bekeh tzedehl gha.

Dta naudeltthed nighileh sih 2016/2017

Dughu nedja government kodheh naghodlihn eyi tthi dadi ghu, nuhnih tthi nedidi Path to Reconciliation Act sni gholihn tthi ghtegheh eltthi bek'e ghidehl gha dadi. Eyi Government kodheh TRC dtadadi ghu editlis theltzih nisi bek'e ghidehl ghudtthi United Nations tthi Declaration theltzihn nisi tthi bek'aunedtai dta dtatthei dene eltthi k'esih editlis dtaghani k'e tzedehl gha Act dtandtu bek'e dehtlis kesihn dadi.

Kudughuh, eyi government kodheh naghi asi ghalaghadai eyi dta ghogha yatih ghelih ke' gha ghoghedi naghi asi gho uhn lu budetihn dtatthei dene bazihn asi gholtzihn eyi naghi tthi begha editlis nilya. Didi adtsedis:

- May sa k'e eyi government kodheh ghonena tzen nake dene natheltzihn Cabinet k'e deltthi gha eyi bedaghade eyi Path to Reconciliation Act gholihn bek'e eghalaghadah gha, nedja dta kodhedi dtatthei dene bazihn nadelya sih eyi bedtzen nedehndlis bek'e tzedehl gha sni ghu.
- Eyi dta tthei dene bazihn ehadalaghenai dta tthei dene bedtzihn organizations ghotlah sih ghel meetings naghohlihn kane dtattheh bunidhi sih. Dtandtuh editlis bazihn ghedehl gha si ghahn yehl dayaghiltih. Atlohn eyi kundtih meetings naghohlihn ghindteh.
- June Sah k'e 2016 ekughu Kodhedi nethe dta Government ghel nadelyai chu Dta Tthei Dene chu Teghna chu Tanidtseni chu Tzekuwi chu gha tthedi nadelya sih ahtla nini dehl ghu ghoghahn dayiailti didi eltthi naudeltthed ghileh nisi dtandtu ghoghalaghadah ghidta selya ghili ghahn. Eyi dta nathedeli detthiyeh gheh dadi ghu bedtasih bekesihn eghalaghadah gha editlish ghultzi ahtla eyi bek'e ghughudehl ghidta seghulyei dadi nih. Eyi dta ahtla eltzetzedi gha sni ahtla deghehlthi (FPTIF) kesihn bekaunedtah gha ghulyaeyed ghodttheh dta kundtih ghah ahtla eghalaghadah gha sni ghu ghilchu nisi eyi bededi ghu.

- Nedjah Manitoba keyagha dtathei dene gha nadelya ghudtthi kuweh dahlihn tthi gha eghadalaghenai dughu eyi bebasihn The Path to Reconciliation sni editlis gholihn dtatthei dene beyatiye k'e nilyei gha tzedtah gholeh gha eghadalaghana. Detthiye dtatthei dene beyadtiye ghuhlihn Cree chu Dakota chu Inuktitut chu Michif chu, Ojibway ghu Oji-Cree chu detthiyeh adtsedi. Eyi enaldhen de bek'e yadtih gha dtseh nilye gha.

Dta ghotleh ghai 2016 /2017 ghunidhi ghadjalesi

Nedidi The Path to Reconciliation Act sni editlis government yek'e eghalaghanah ghah sni dta bedaghade kundtuh editlis naghidai ghai, eyi yenighilihn ghu, gheh dadi nih March sah ke 15, 2016 ekughu. Government dekodhi ghilchu May 3 2016 ekughu. Eyi government kodheh yek'e ghedeht gha beghaladah gha editlis ghotleh gha sni dtatthei dene bedtzihn kodhedi behl ghoghahn yadtih gha ghudja ni. Nedidi dta ghogha yadtih dta kodhedi nethe dahlihn behl ghogha yaghintih deh ghotegheh begha nanighodeh ghu dtaghudja dta seghulyali sih ghogha dayadtih gha nadesihn deh, didi dtatthe desih kodhedi ttheh yeghahn deghehtthi ghokesihn deh.

Didi dta eltthi naudeltthed ghileh nisih budehnileh ah dtahtzen ghodtzihn ghotegheh bughedih dta ghtegheh ghalya ghili gha ghoghahn nanighodeh adezahn ghetegheh ghalyeh gha ah government yegha deltthi ghu ghoghahn dtandu selya ghili ke seyileh dta ghotleh gha naunelyei ghokesihn bekaunedtah gha.

Ku eyi dtandu seghulyah ghili ghogha segholyei ekughu tthi government dadi ghu dta tthei dene behl suwau eltthi asi ghultzih ghobasih elghel eghalaghidah gha ghodeyehd ghilei ghokesihn, didi naghi asi dta ghodta kughilya ghili eyi tthi nughulihn, dadi, eyi didi ahlne sih:

- Nedja Manitoba keyagha sekwi bekeghoni sih ghoasih ghotegheh bughedi gha The Protecting Children Act gholihn nih government eghadalaghanai keyagha sekwi chu behthikwi dalihn chu behl eghlaghadah desih eltzetzedi ghidta dedantihn dalihn gheli dta kondti bazie ghadalaghana sih chu elghehl editlis chu dtanaghoah sih chu ghenedenih dta ghotegheh besedihndhen gha. Nani sekwi dughe bedtzen naudeltthed tai asudelyei dtcha chu ghahn ahtla eltzetzedi dta bughedi gha.
- Manitoba keyagha dene ghahnghole gha eghadalaghenai government ghehl ahtla dtandtu kuwe dalihn chu theni tthi la k'e gholai chu yadtih ghelel ghidta ghodeni ghohlyeh gha dta tthei dene ba yoh ghughini gha Manitoba Real Estate Association chu dta tthei dene gha k'odhedi dahlihngha editlis kuwe(AMC) chu elghehl eghalaghana ghodtah, kolyeh gha, ghoghahn yadtih ghidta.
- Yanagha Manitoba keyagha dta ke nih ghigilben nadtihn sih ekosi ghotegheh ghoghedi gha, ekukeh kuwe daghola sih bighilben ghodtcha tzedtah segholyeh ghudtthi government bedaghade nih dtalya ghili sih ghotleh gha dadi Manitoba Infrastructure chu Manitoba bedtzihn dtatthei dene gha nadelyai chu kuwe keda uhn ghelyai basihn yadti gheleli dadi ghu. Eyi Manitoba tugheh ghobaneh ghudtzedis yanagha dtzen.

- Eyi Manitoba indigenous and Municipal Relations ghulyei Government gha eghadalaghanai dadi ghu, bedtasihn eghalaghadah gha editlis ghotleh gha edekesditli ghu ahtla suwau eghalaghaghida gha dtatthei dene bedtzihn kuwe gholah sih behl dta ghudja ghili ghahn dene ghel nayalti gha dadi, kundtu ahntla sodihldhen gha.
- Eyi ahntlai ghadelai dadi ghu government kundtu dtatthei dene behl eghalaghada ghadja desih ghodtzihn dtake losi government gha la ke dagholah sih dtandtu dtatthei dene behl asi ghultzi ghughilyas sni ghu eyi ghodtasihn nih ghodtah dtandtu asi ghalaghadah ghili tthi ghahn yadtih ghodtah dtandtu bedtodighndhed ghili kaghodhed gha.
- Eyi Manitoba Indigenous chu Municipal Relations chu gha eghadalaghanai tzamba kodhedeh ghel tthi ghoghahn yalti ghodtah sekuwi ghaunelteghe dta tthei dene benene keyaghah tthi dtandtih dta ghuzuhn ghotegheh sukuwi ghadauneltaghn ghili tthi nelihn dta segholyeh gha eyed tthi.
- Eyi ahtlaghi government gha nadelyai tthi didi government degodhi naghohdlin gheh ghunidhen ghu ghokesghodedlih ghokesihn yadtthegeheh kuwe tthi ghel eghadalaghana gha.
- Eyi ahntlaghi government gha eghadalaghanai chu Manitoba Growth Enterprise and Trade gha eghadalaghanai chu kuwe ghodcho keyagha tthi dta tthei dene nadadeh sih ghel asi ghalaghadah ghili tthi kaghodeh gha.
- Nedidi dta ghuhdtzih desih eyi behl government eghadalaghana ghidta yadtthegehe tzen kuwe gholah sih ghehl dta gholihn ghidtah eghalaghadah ghili kaghode gha dadi, eyi desi dughulyeh gha dadi Yes! North ghulye ghalye gha. Manitoba Municipal Relations chu Manitoba Growth, Enterprise and Trade chu government behl kughideh gha dadi, edekesditlih ghu gheh ghunidhen ghehl ghultzih gha dadi.
- Nedidi dta kaneh ghuhdtzih ini dadi ghu government behl eltzetedih ghidta asitai ghodtzih la keh dalihn nuhtzedanih ghidtah chu dta kaldaneh la keh ghotlah sih tthi bedtzendi ghu ghoasih suwau eghalaghadah ghili kaghodeh gha yadttheh dtzen ghoasih naghudtzed ghokesihn la ghodeyedih kaghodeh gha donttih asi ghalaghada ghodtah 1) asi nih ghodtzih ghodtodighidhed ghili ghonehtih ghu dedchen nezughih ghulihn deh kundtih dahlihn chu tzamba kaghunedtai dahlihn chu tthi adtzedih eyi ghehl tthi 2) asi dene tzidedihl dahlihn asi daghunehlihn kah, tluwe cho dahlihn ghu, sas delgei ghu nayelkai yakiyeh ghodtzeghedudh dahlihn ghu kundtih danelihn kah tzidedihli chu natzelsei chu tluwe ka asi dene tzidedihli dahlihn chu tthi adalnihs.
- Manitoba Sustainable Development , nedidi government kodheh ghehl dtanduh asi ghahn nakodtzelihn dahlihn dta thagha tidtchadih dahlihn budehlahn ghidtah thagha bedtaghodtihn ghili gha dta tthei dene chu tanidtzehni chu dta kondtih asi ghalaghada gha editlis bedtzihn sih behl ghoghahn yadtih ghidta ahntlah kundtuh seghohlyeh gha eyi bebasihn.

- Eyi Manitoba Sustainable Development sni bedtah government nadtluhn landtei ghidtah dtandtuh la ghalaghadhn ghili kagholdeh gha yadttheghe kuwe ghazeh dalihn ghola sih tthi behl, kuwe ghodtcho ghuyini gha eyi ghileh sih Eyi ghehl tthi ghonekeh dtah nih ghoghahn ghuneghetahn ghunidhen sih tthi ghughedih ghaneh nedja Manitoba keyaghah kundtuh ghonehsenughundtai gha naunelyei kesihn ghunidhen ghidtah.